



Universitätsbibliothek Paderborn

Exemplorvm Libri Tres

Liber Secvndvs, Siue Exempla, In Septem Capitalivm Vitiorvm
Detestationem, Per Qvadragesimam, Anno M. DC. XLVI. narrata

Stengel, Georg

Ingolstadii, 1650

§. 14 [i. e. 12]. Remedia contra inusitata lucra.

[urn:nbn:de:hbz:466:1-48186](#)

cuniam, ita & solliciti estis, ad pœnitentiam faciendam? Vobis lachrymantibus, Angeli gaudebunt, diaboli flebunt; qui, si vide-rint vestros hamatos vngues, piceatas manus, tenaces loculos & alienam in arca monetam, lætos agitant triumphos. Quid enim supplicij non impendet illis, qui egentibus non solum nihil largiuntur, sed etiam auferunt sua; si illis pœna est præparata, qui vel de sua substantia inopiam patientibus non succurrunt? B. Alber-tus Besutiana familia oriundus, prima ætate usuris deditissimus, totus in eo erat, ut alijs sua eriperet, nihil daret. Hic aliquando, in lacu Verbanu nauigans, infesto Aquilone fluctus excitante, de vi-ta est periclitatus. Cur id fieret, non diu illi fuit cogitandum. Nam vnà & sibi pereundum esse vidit, & diuinitas iniustè congestas amit-tendas. Quamvis igitur animus illi ad opes erat vehementer alli-gatus, tamen illas censuit libentiūs esse projiciendas, quam vitam. Voto itaque se obstrinxit, se, si viuus & incolmis ex hoc discrimi-ne euaderet, omnia seriò emendaturum. Euasit, domum rediit, bona sua pauperibus distribuit, vxoriique persuasit, ut in monasterium ingrederetur: ipse in montem inaccessum se reptando contulit; ubi diu, dimisso per funem corbe, à transeuntibus, postea ab ipsis An-gelis pastus est; donec Anno Christi 1369. tertio Septembri die, sancte moreretur, ac miraculis ostenderet, longè utilius pecunias in egenos spargi, quam domi in arcis, coaceruari; quæ frequenter in perniciem ipsius domini conseruantur. Quia, ut D. Ambrosius monet. Non maioris est criminis, habenti tollere, quam cum possis & habes, indigentibus denegare. Esurientium panis est, quem tu detines: nu-dorum indumentum, quod tu includis: miserorum redemptio & absolutio pecunia, quam tu in terra fodis. Tantorum scias te inuadere bona, quan-tis posses prestare, & nolis. Non sunt bona hominis, qua secum ferre non potest. Sola misericordia comes est defunctorum. Quin idem ferè dixit Poëta, cuius haec sunt:

*Cur eget indignus quisquam, te diuite? quare
Templa ruunt antiqua Deum? cur, improbe charæ
Non quidquam patriæ tanto emetiris aceruo?*

*Esurientibus in Ecclesia fratribus non subuenire, ait S. Cyprianus,
habere argentum largiter velle, fundos insidiosis fraudibus rapere, usuris
multiplicantibus fannus augere: quid non perpeti tales pro peccatis eiusmo-*

di mere-

Ferrar. 3.
Septemb.

Horat. lib. 2.
Satyr. 2.

XIV.
REMEDIA
CONTRA IN-
VISITATA LV-
CRA;

Psal. 88. 31.

di merensur? cùm iam pridem premonuerit, ac dixerit censura diuina:
si dereliquerint legem meam, & in iudicij meis non ambulauerint: si ini-
stificationes meas profanauerint, & præcepta mea non obseruauerint, vi-
tabo in virga facinoracorum, & in flagellis delicta eorum. Hæc qui fu-
gere volunt, fugiant auaritiam, adeant Confessarium, confitean-
tur, restituant per vim aut fraudem ablata, vt tantur pecunijs, non
ad usuram, sed ad cœlestem coronam emendam. Ea de causa pecu-
nijs abundus, ait S. Chrysostomus, ut paupertate homines liberes, non
vt in paupertatem intrudas, & verò simulatione solaminis maiores facis
erumnas, & liberalitatem vendis fanore. Audent etiam fænatores di-

S. Chrysost.
hom. 51.
Psal. 128.S. August. in
Psal. 128.S. Chrysost.
hom. 57 in
Matt. 25.S. Chrysost.
hom. 5 de
Auaritia.

Psalm. 75. 6.

Laert. I. 4. c 7.

cere, inquit S. Augustinus, Non habeo aliud, unde viuam. Hoc mihi
& latro diceret deprehensus circa parietem alienum: hoc mihi & leno di-
ceret, emens duellus ad prostitutionem: hoc & maleficus incantans mala, &
vendens malitiam suam Quidquid tale prohibere conaremur, responde-
rent omnes, quia non haberent, unde viuerent, quia inde se pascerent;
quasi non hoc ipsum in illis maximè puniendum esset, quia artem nequitia
delegerunt, unde vitam transigant, & inde se pascere volunt, unde offen-
dant eum, à quo omnes pascuntur. An forte, ait S. Chrysostomus, mo-
di instè viuendi non inueniuntur? Non sunt agrorum cultus, gregis pa-
bula, armentorum custodia, manuum operatio, solers rerum tuarum cu-
ra? Quid insanis, quid cœspitas agriculturæ spinarum occupatus? Nun-
quam deest occasio honestè se alere volenti. Ex lege diuina agit,
qui in sudore vultus sui vescitur pane suo. At vesana diuitiarum cupidi-
tas est morbus insanabilis, fornax qua nunquam extinguitur, tyrannus per
orbem longè diffusa. Diuitia ingratæ sunt, fugitiva, homicida, crudeles
& implacabiles, bestia incurabiles, precipitum undeque præruptum,
scopulus a siduis plenus fluctibus, mare innumeris ventis agitatum, tyran-
ni acerbè imperantes, nunc quouis barbaro seniorē, inimico, irreconcili-
biles, hostes implacabiles, quaq; nunquam erga eos à quibus possidentur,
remittunt similitatem. Indnt compedes aureas. Et, vt opinor, id-
circo diuites torquati incedunt, vt appareat omnibus, eos esse
vincos, & catenis alligatos libertatemque perdidisse. Atque id-
circo viri diuitiarum vocantur, quia non sunt illorum diuitiæ, sed
illi diuitiarum. Hac enim ipsa de causa, cùm Bion de diuire for-
dido loqueretur, *Hic, inquietat, facultates suas non possideret, sed ipsum*
possident facultates. In compendio, auarus est Tantalus inter aquas,
qui

qui poma fugacia captat, nam & ille inter opes est inops; eget in copia; sitit & esurit, cum cellae & horrea plena sunt, & vt Timon ille dixit, vitam non vitalem viuit. Itaque satius est nullum esse, quam auarum. Nullum vitium tertiis est, quam auaritia, prasertim in principibus & Remp. gubernantibus: habere enim quaslibet Remp. non modo turpe est, sed sceleratum etiam & nefarium. Iuvenes natura profusi hoc vitio minus tentantur: at auaritia senilis vituperanda est maxime. Potest enim quidquam esse absurdius, quam quo minus via restat, eò plus viatici querere? Aurum lapide Lydio, homines auro probantur; quod qui potest contemnere, potest cœlum emere; qui autem adorat, in laqueum diaboli incidit, vnde se difficillime extricat. Quia, vt orator dixit, auaritia insatiabilis, immensa, & incredibilia potest. Ita enim hominum mentes obstrictas tenet, ut eas, nullo tempore, respirare permittat. Quin eò impellit, quo canem Æsopicum impulit cupiditas; is haud exiguam carnis partem ore gerens, dum umbram eius in aqua caprat, veram prædam amisit. Ita futurorum bonorum umbra sunt omnia huius mundi bona, quibus dum mortales inhant, coelestia perdunt; qui, sicut hydrope laborantes, quanto plus aquæ in ventre habent, tanto amplius in perniciem suam sitiunt; sapientius facturi, si non possessioni augendæ, sed cupiditati minuenda studebent. Sicut enim qui metallorum operi traditi sunt, ait S. Pater, nullum inde emolumentum, nullas opes consequuntur, sed periculo magno, atque detimento suo, alijs laborant, nihil prouersus de sudore, de labore, & morte, quam plerumque obeunt, ad fractum suum inde conuertentes: ita & illi, qui non sibi, sed alijs dinitias querunt, immo & bis multò misiores sunt, quoniam mors doloris finem illis, his, quos gennina expectat, vera afflictionis initium affert.

*Quid tam sollicitis vitam consumimus annis?
Torquemurq; metu cacaq; cupidine rerum?
Æternusq; senes curis dum querimus aum.
Perdimus, ut nullo votorum fine beati?*

Cic. lib. de offic.

Idem in Cat.
Maiore.

Cic. in Vatin.

S Chrysost.
hom. 50.

Manil. lib. 4
Astronom.



G CAPVT